

Adventu 2013

HAFUTAR AN HO KÓR KSOLOK NIAN



SDB no FMA

Oratóriu iha Tímor: Uma fiar nian



ATIVIDADE sira

Tempu Adventu nian prepara ita atu ba hasoru Jezús ne'ebé mai atu hela iha ita-nia moris.


Buat ne'ebé Maromak hakotu ona sei mosu hodi hakotu ita-nia fuan ho ksolok; tan ne'e ita hakarak habelar liafoun ida ne'e ba maluk sira no ba ema sira ne'ebé ita hasoru loron-loron: Maromak hadomi liu ita no mai atu fahe ita-nia moris. Ita hakarak fó sasin kona-ba ksolok no esperansa ida ne'e. Iha Adventu ida ne'e ita sei "fila liman"; santu ida hateten: karidade hanesan osan ida ho karakteristika partikulár, bainhira ita fó ba ema seluk ninja folin sai boot liu! Durante semana 4, ita sei "fila liman" atu bele tau osan iha Banku Belem nian, Banku iha ne'ebé Jezús sei foti ita-nia osan atu halo mundu sai di'ak liu. Importante halo oratorianu sira komprende katak, bainhira ita halo buat di'ak ruma, valór sira iha mundu sai boot liu no ita kontribui atu habelar domin iha ita-nia sosiedade.



Atividade hirak ne'e bele hala'o ba labarik ida-idak ka, atu la halo fotokopia barak, bele fahe oratorianu sira ba grupu no fó osan ba grupu. Semana semana durante orasaun domingu nian, grupu ida-idak sei simu "bonus" 3, ho valór ne'ebé sai boot ba daudaun. Iha bonus hakerek saida mak sira presiza halo atu tau sira-nia bonus iha Banku Belem. Se, durante tempu ida ne'e, imi halo oratório loron-loron (ho kursu ka atividade oinoin), bainhira grupu halo atividade ne'ebé hakerek iha bonus, grupu bele entrega kedas ba "funcionariu Banku nian" (imi hili ema ida: diretó/a oratório nian, animadór ida...?); se la'e, domingu tuir mai, molok halo orasaun hamutuk no simu bonus seluk, sira bele entrega buat ne'ebé sira halo. Se hakarak bele prepara lafatik iha ne'ebé sira tau sira-nia bonus, nune'e sira bele haree ho matan rasik, oinsá banku sai riku.

Importante eduka oratorianu sira atu sai onestu: se sira la halo buat ne'ebé hakerek iha bonus, la bele entrega fali, se lae sira habosok Maromak.

Bele mós hanoin katak, durante Missa Natál, oratoriannu ruma sei lori sira-nia bonus durante ofertoriu, nu'udar sinál kona-ba sira-nia preparasaun atu simu Jezús.



ORASAUN SEMANA 1

(prepara surat tahan ruma iha ne'ebé hakerek hakerek fraze ida husi S. Paulo nia surat: Keta sala foer; keta hirus; keta laran moras ba malu....)

G: leitura sira halo ita hanoin ba naroman no ba realidade furak nian ne'ebé Maromak sei hatudu ba mundu tomak. Ita reza atu ita mós bele sai naroman nia oan sira

I: Loron ida ne'ebá matan delek sira sei haree no tilun diuk sira sei rona

H: Na'i sei mai atu soi ita

I: sira ne'ebé isin mate sei haksoit, sira ne'ebé monok sei hananu ho ksolok

I: Sei mosu dalan ida ne'ebé sei hanaran santa, povu hotu sei la'o tuir dalan ida ne'e

H: Na'i sei mai atu soi ita

H: Na'i sei mai atu soi ita

L: Rom 13,11-14 (II leitura Missa nian)

G: Leitura ida ne'e hatudu mai ita hahalok konkretu sira atu bele prepara an ba Jezús. Se mak bele repete hahalok sira ne'ebé S. Paulo temi atu bele hala'o tempu ida ne'e ho di'ak? (Bainhira temi hahalok ida ne'ebé hakerek ona iha surat tahan bele lori ba oin no tau besik kruz)

Ohin Jezús dehan mai ita: Ó hela iha mundu no ha'u hili ó atu halo mundu ida ne'e sai furak liu; ita harohan ba Nia atu Nia bele tulun atu hala'o buat ne'ebé nia husu: **H: Na'i, loke ami-nia fuan**

- Bainhira ami hanoin ba ami-nia an rasik de'it
- Bainhira ami la rekoñese ema seluk nu'udar prezente ida
- Bainhira ami la hatán ba ema seluk nia presiza

ORASAUN SEMANA 2

G: Iha ita-nia dalan atu prepara an ba Jezús ne'ebé sei hüt An mai, semana ida ne'e ita la'o ho belun ida: Maria, ne'ebé nu'udar inan haraik an, tulun ita atu hatán sim nafatin ba Na'i.

I: Imi hadi'ak Na'i nia dalan, hallo ninia dalan terik

H: Na'i mak hakarak

I: Na'i, ha'u mai atu halo Ita-nia hakaran

H: Na'i mak hakarak

I: Imi hakribit imi-nia an bá, hodi fila ba di'ak

H: Na'i mak hakarak

L: Is 11,1-3 (I leitura Missa nian)

G: Profeta Isaías halo ita komprende katak ita la bele moris Maria nia atitude sira, se Maromak la haruka ninia Espíritu. Maria moris ho laran maus no haraik an, nia rasik eduka Jezús ba atitude sira ne'e, nune'e nia bele komprende ita bainhira ita susar atu moris hanesan Jezús.

Ita harohan ba Maromak atu Nia bele tulun atu kuda atitude sira ne'e iha ita-nia laran:



H: Na'i, haraik ba ami fuan haraik an nian

- Bainhira ami hakarak ba uluk nafatin hodi hanehan ema seluk
- Bainhira ami la rekoñese ami-nia salan
- Bainhira ita ezije de'it no la husu ho haraik an

AVE MARIA

Kantu finál

ORASAUN SEMANA 3

G: Liturjia bolu domingu ida ne'e, domingu ksolok nian. Ita hotu buka ksolok, maibé dala barak ita la pasiénsia atu hein katak ksolok halo dalan! Semana ida ne'e ita hakarak sai sasin ksolok nian hodi moris iha Pasiénsia no konstánsia laran

I: Ha'u sei haruka manu-ain ida atu prepara Na'i nia dalan

H: Na'i hatudu Ita glória

I: Ema sei mai hodi hananu ho ksolok

H: Na'i hatudu Ita glória

I: Imi dehan ba ema sira fuan taridu "Aten boot"

H: Na'i hatudu Ita glória

L: Tg 5,7-10 (II leitura Missa nian)

G: Leitura ida ne'e konvida ita atu iha pasiénsia boot hodi hein Jezús. Iha ita-nia moris, buat barak konvida ita atu hein: ita sai boot neineik, ita aprende neineik, buat hotu iha ninia prosesu, hanesan fini iha rai. Maibé bainhira ita hatene hein ho domin, tempu ida ne'e sei halo buras ksolok.

H: Na'i, halo ami sai sasin ksolok nian

- Bainhira ami hamutuk ho belun ka kolega sira
- Bainhira ami susar atu halo buat ruma tanba baruk
- Bainhira ami bosan no kole

AMI AMAN

Kantu finál

ORASAUN SEMANA 4

G: Loron tolu tan no Jezús sei moris iha ita leet. Tan ne'e, iha loron hirak ne'e, ita sei husu Maria no José nia tulun atu bele aprende konfia ba Na'i hodi simu Jezús nu'udar prezente boot ba ita-nia moris.

I: Imi dehan ba Sião nia oan

H: ó-nia Maksoin besik ona

I: Imi rona Na'i nia liafuan

H: ó-nia Maksoin besik ona

I: keta ta'uk, haksolok bá

H: ó-nia Maksoin besik ona

L: Is 7,10-14 (I leitura Missa nian)

G: Acáz mak liurai israel nian ne'ebé halo an hodi la kohi husu Maromak nia tulun; maibé Maromak nia domin boot liu fali ema nia hakarak, nune'e nia promete katak feto raan ida sei kous maksoin ida. Feto raan ida ne'e mak Maria, ne'ebé ho ninia fier halo Jezús moris iha mundu. Hamutuk ho nia ita haksolok:

Knananuk: Magnificat

H: Maria no José tulun ami atu hatán ho ksolok

Bainhira Na'i husu atu hela iha ami-nia moris

Bainhira Na'i husu mai ami atu fó ami-nia moris nu'udar prezente

Bainhira Na'i konvida ami atu buka ksolok loos

AMI AMAN

Kantu finál

